



Шочмо эл, порылык да чын верч!

Будь готов!

4-ше (3652) №,
2024 ий 26 январь,
кугарня.



МДЕ ЛИЙ

1933 ий 1 февраль годсек лектеш.

Элнан ончыкылык вийже



*«Орлята России,
мы – лидеры детства,
Мы – юность и сила
великой страны!
Традициям славным
любимой Отчизны
В полёте стремительном
будем верны»...*

Тиде мурым 1-4-ше класслаште тунемше да «Орлята России» программаш ушнышо-влак гимныштлан шотлат. Кумда Российын чыла регионжо гыч шүдö тўжем класс-команде (2,5 миллион наре йоча) «орлята» чаплўмым нумалеш. Программе «Образований» национальный проектын «Патриотическое воспитание граждан Российской Федерации» федерал проектше почеш 2021 ий гыч илышыш шындалртеш. Тўналтыш класслаште тунемше-влак Шочмо элын, ешын, пўртўсын, келшымашын, поро



И.РЕЧКИНИН фотожо-влак.

пашан акшым чын умылаш да аралаш тунемыт. Ёдыр-рвезе-шамыч класс вуйлатышышт дене пырля идалык мучко шым направлений почеш тўшка пашам ыштат. Йошкар-Оласе 31-ше номеран школышто тўналтыш класслаште тунемше-влак Ма-

рий Эльште эн ончыч «Орлята России» радамыш ушненыт. Шукерте огыл 3-шо ден 4-ше «Б» класслаште тунемше-влак (снимкылаште) товатлыме мутым ойленыт да ончыкышт орлёнок значокым пижыктеныт.

Л.ГРИГОРЬЕВА.



Шабдаровмыт дене кугешнена



Москошто «Россий» форум-ончерыште «Родные-любимые» российскийе еш форум эртаралтын. Тушко Российын түрлө регионжо гыч тўжем утла ег погынен. Участник-влак мастер-класслашке ушненыт, конкурслаште мастарлыкштым тергеныт.

Кугу мероприятийыште Марий Эл нерген Шернур район Марисола гыч Шабдаровмыт еш палдарен. Илья, Никита, Алексей куштымаш дене түрлө фестиваль ден конкурсын лауреатышт улыт. Икмыняр ий ончыч тиде еш «Идалыкын ешыже» российскийе конкурсышто сенен. 2019 ийыште «Родительская слава» орден дене палемдалтын.

Шабдаровмыт (снимкыште) «Родные-любимые» еш форумышто «На все руки мастер» да «Семейное шоу талантов» конкурслаште сенышыш лектыныт. «Знатоки Родины» тагасымаште Марий Эл нерген онайын каласкалымыштлан ончышо-влакын призышт дене палемдалтыныт. Нунын дене кугешнена!

З.ТИМОФЕЕВА ямдылен.

Марий Эл Республикысе Паша да социал аралтыш министрствын фотожо.

Историйым шергалына

27 январь Российыште Воин чап кече семын палемдалтеш. 1944 ий ты кечын совет войска Ленинград олам блокаде деч пўтынек утарен.



Фотом «ВКонтакте» соцкылысе «Истфил» тўшка гыч налме.

Марий кугыжаныш университетын историй да филологий факультетше 9-11-ше класслаште тунемше-влаклан «Молодое перо» республикысе медиатекст конкурсым кажне ийын эртара. Ты ганат түрлө теме почеш шонкалы-машан сочиненийым возаш кўлын. Самырык возкалыше-влак шке шонымашыштым келгын, устан почын пуэныт. Иктешлымаш почеш, икымше верым Звенигово

районысо Кужмара кыдалаш школышто 9-ше классыште тунемше Анна Кольцова, Медведево кыдалаш школышто 10-шо классыште тунемше Юлия Белянина да Йошкар-Оласе 24-ше номеран кыдалаш школышто 11-ше классыште тунемше Надежда Норкина сенен налыныт. Ончыл верыш лекше-влакым диплом да пөлек дене палемденыт (снимкыште).

В.МАМАЕВА.

Российысе увер

«**Большие вызовы**» всероссийский шанче-технологий проект конкурсын регионсысо йыжынгышкыже йодмашым **15 февраль марте** колтыман. Сеныше ден призёр-влаклан Сочи олесе «Сириус» туныктымо рўдерыште уш-акылым вияндаш йон лиеш.

Куд ияш гыч тўналын, кумылан кажне еным «**Защитники Отечества**» тўнямбал сўрет конкурсыш ушнаш ўжыт. Паша-влакым **12 февраль марте** вучат. Тўрыс увер – **victorymuseum.ru** сайтыште.

«**Хранители птиц**» всероссийский конкурсыш кумылан кажне ег ушнен кертеш. Кормушкым ыштыман, кайык-влаклан сакыман, **#хранителиптиц** да **#эковики** хэштег-влакым кучылтын, тидын нерген соцкыллашке возыман.

Марий Элысе увер

Республикысе марий тўвыра рўдерын пашаенже-влак **Йошкар-Оласе 27-ше номеран школышто «Марийская традиционная культура – живая азбука народа»** этноуроком эртареныт. Марий калыкын йўлаже, вургемже, семўзгарже, мурж дене палдареныт.

Козьмодемьянск олесе «Дарование» школ-интернат «**Движение Первых**» российскийе толкынын эртарыме школ кумдыкым сорастарыме всероссийский конкурсышто «**Делаем вместе**» тагасыште **кумшо верым сенен** налын. Саламлена!

Йошкар-Оласе 27-ше номеран школышто тунемше Степан Иваков «Россий» форум-ончерыште «Просвещение. Большие перемены» мультимедийный ончерын геройжым йўкагден.

Уста режиссёр, тале драматург...

Марий Элыште да финн-угор тўняште В.А.Пектеевын лўмжō кумдан палыме. Василий Александрович Морко район Уилем ялеш шочын. Чолга рвезе изинек мураш-кушташ йōратен. Октябрьский школышто тунеммыж годымак клубышто шындыме концертлаште ончаш толшо калыкым куандарен, спектакльлаштат модын. Н.К.Крупская лўмеш Марий кугыжаныш педагогический институтым тунемын лек-мек, Ленинградысе театр, музык да кинематографий институ-тын режиссёрский факультетыштыже шинчымашым поген.

В.Пектеев (**снимкыште**) – Марий Эл Республикысе сымыктышын сулло дея-тельже, М.Шкетан лўмеш Марий кугыжаныш драме театрын художественный вуйлатышыже. Тудо 50 утла спектакльым шынден. Нунын коклаште – «Салика» (С.Ни-колаев), «Орѐн мелна» (А.Волков), «Морко сем» (М.Рыбаков) да молат. Шке-жат шуко рольым модын.

Усталыкше тўрлō шōры-ныштō палдырна. Финн-угор тўнясе театр-влак дене пенгыде кылым ыштен. «Майатул» фестивалыым эртарымашке кугу вий-куа-тым пыштен. Поэзий аланы-

се мутсаскажат ойыртемалт-ше да келге шонымашан. «Авалта пиал тўням», «Чо-нем», «Канде ўжара» да моло почеламутшылан муро-влак возалтыныт.

23 январьыште Василий Александрович 70 ийым те-мен. Чапле лўмгечылан пō-леклалтше фестиваль М.Шкетан лўмеш Марий кугыжаныш драме театрыш-те февраль гыч тўгалын апрель марте эртаралтеш. Пытаргыш ийлаште шынды-ме 12 спектакльым ончаш йōн лиеш. Кугу мероприятий 2 февральыште «Окса тул» спектакль дене тўгалеш. Йоча-влакым 11 да 24 фев-



Фотом театрын архивше гыч налме.

ральыште «Золушка» да «Три сестры» йомаклаш пагален ўжыт. Фестиваль 27 апрельыште «Шўдыр лонго каваште» концерт дене мучашлалтеш.

Василий Александровичым лўмгечыж дене шокшын саламлена да пенгыде таза-лыкым, умбакыжат сены-машым тыланена.

З.ТИМОФЕЕВА.

Нимучашдыме куан



Пырля тунемме Иван Градобаев ден когылян-на (**снимкыште**) Мос-кошто эртаралтше «Россий» форум-онче-рыште лияш пиал шыргыжалын. Тушко чолгалыкна дене ойыр-темалтмылан кōра логалынна. Кок кече жапыште чонна ниму-чашдыме куан дене темын! Икымше кечын икымше павильонысо «Первые в России – стране возможностей» экспозицияла дене пал-дареныт. Варажым кор-нынам Марий Элын стендше деке викта-ренна. Тушто шочмо кундемшытына улмо гай чучын.

Российын 89 регионжын сōрастарыме у ий кож-влак кокла гыч Марий кундемнаным муын, воктеныже фотом ыштенна. Кокымшо кечын Йошкар Площадьыште лийынна, почётан караулын вашталтмыжым эскеренна, у ий шўлышан Москвам нōлталтше кумыл дене онченна. Эн поро, сай да волгыдо шарнымаш-влак тачат чоннам ырыктат.

Виктория АНТРОПОВА.

Кужэгер, Йўледўр.

Фотом еш архив гыч налме.

Увер «Жильё и городская среда» национальный проект «Формирование комфортной городской среды» федерал проектше почеш общественный верлам тōрла-тыме шотышто йўклымаш лиеш. Всероссийский йўклы-машым эртараш волонтер-влак кўлыт. 14 ийым темыше кумылан кажне ег нунын радамышке ушнен кертеш. Тидлан ДОБРО.РФ платфор-мышто (Голосование за бла-гоустройство 2024) регистра-цийым эртыман.

Туныктышына

Галина Васильевна Васина мемнам икымше класс гычак туныкта. Кызыт ме кумшо классыште шинчымашым по-гена. Туныктышына поро, тыматле койыш-шоктышан, улылен моштышо. Уроклаште кажне темым раш умылтара. Тўрлō конкурсышко ушнаш кумыланга, ямдыла да сенгы-ше-влак радамышкат лектына.

Алина АЛЕКСАНДРОВА.
Советский, Шуарсола.



Сенымаш

«Марий Эл» ий полатыште «Золотая шайба» всероссийский танасымашын регионсо йыжынже мучашлалтын. Тушто 2007-2014 ийлаште шочшо хоккеист-влак танасеныт. Изирак да кугурак ийготан-влак коклаште Йошкар-Ола гыч «Спартак», кыдалаш ийготаншамыч коклаште Марий Турек посёлко гыч «Восток» командыла сенышыш лектыныт.

Теле толын, лум лумеш, Ялже ошын вел коеш. Йоча-шамыч юарлат, Ече дене мунчалтат.

Виктория СУВорова.

1-ше номеран

Морко школ.

Куандарыше танасымаш

Мый кажне шуматкечын урок деч вара Йошкар-Олашке чон йӱлен вашкем. Тушто мыйым йоратыме тренерем вуча.

Художественный гимнастике дене тренировкыш коштам. Молан спортын лач тиде видшым ойыренам? Икана телевизор дене художественный гимнастике дене эртаралтше танасымашым онченам. Ик ӱдырым куанен эскеренам. «Мыят тыге ом керт мо?» – шоналтенам. Ача-авамлан шонем каласенам. Нуно тореш лийын огытыл. Шочмо ял деч рӱдола марте шӱдӱ угла километр гынат, нимыяр ом ӱкыно. Танасымаште усталыкем тергенам (снимкыште). Шке ийготан-влак коклаште сеныше-шамыч радамыш лектынам да моткоч куаненам. Ончыкыжымат тыршаш тӱнгалам.

Олеся ПЕТРОВА.

Морко, Коркатово.

Фотом еш архив гыч налме.

Шайбым «перкалат»

Павел Алексеевич Паймаков Н.Заболоцкий лӱмеш 2-шо номеран Шернур школышто физкультурым кокымшо ий туныкта. Урок деч вара стадионыш вашка. Тудлан «Сокол» хоккей клубым (снимкыште) вуйлаташ ӱшаненыт.



Фотом клубын архивше гыч налме.

– Рвезе-влак арняште ныл гана ий ӱмбак шогалыт, кок шагат дене тренировкым эртарат. Кугурак группыш 15 йоча коштеш. Кодшо ийын изирак ийготан командым чумыренна. Тушто 12 рвезе вийжым терга, – ойла Павел Алексеевич.

«Сокол» команде кызытеш товарищеский танасымашлам эртара. Параньга район гыч «Пчӱлы», Морко посёлко гыч «Газовик» командыла дене танасымаш-шамыч рвезе-вла-

кын вийыштым тергаш сай йӱн лийыныт.


Йоча-шамычлан онайрак лийже манын, кумдан палыме спортсмен-влак дене вашлиймашым эртарат. «Спартак» клубын тале хоккеистше С.А.Лопарев мастер-классым ончыктен да пырля модын. Тӱнгалше хоккеист-шамычлан тиде кугу куан да пайдале урок лийыныт.

Тек «Сокол» командын шайбыже эре капкаш веле пура.

Н.ТОКТАРОВА.

Увер

7-9 февральыште «Корта» тунемме да тренировкым эртарыме базыште ече дистанциялаште спорт туризм дене Марий Эл Республикын первенствеже да тунемше-влакын республикысе танасымашышт эртаралтыт. Тӱрыс увер – rv12.ru, sporttourmariel.ru сайтлаште.



Яра клеткылаш могай сӱретым шындыман?



Фотом еш архив гын калма.

Зева - Зефир...

кушкеш. Коча-коваже ожнысек ятыр волькым ашненыт. Даша мом пукшымыштым, кузе йүктымыштым эре эскерен, полшен. Ұдырын изачаже – фермер. Ушкалым, презым да сөснам ашнат. Ушкалым эше лүштен огеш мошто, но аважым ончен тунемаш тырша. Эн чот презым йөрата. Шочын вочмекышт, нуно чылт йочала чучыт. Ұнарышт укелан көра лүнген-лүнген коштымыштым ончен, чот чамана. Вашке кушкышт, вийым погышт манын, лүмын кельштарыме ате гыч шорым йүкта (снимкыште).

Дарья Герасимова Шернур район Мушкыдүг ялыште ила. Шернур посёлкысо 2-шо номеран школышто кумшо классыште тунемеш. Изиж годсек вольыклан шүман

Кажне волькыштын шке лүмышт уло. Ушкалым лүмжө могай буква гыч тўналеш, презыланат тугай гыч тўналшым пуат. Муглан,



аваже Зева гын, презыже – Зефир але ушкал – Дуня, презыже – Долина, ушкал Булка гын, презым Барон манын лүмденыт. Лүмыштым шарнен кодаш манын, пылышыкышт биркым пижыктен шындат. Вўташ пурымо годым кажныж дене мутланат. Даша кенежым күтўш ужатен колташ, а кастене мөнгеш поктен кондаш йөрата.

В.МАМАЕВА.

Буся

Йоратыме янлыкем – пырыс. Изи годсек пырысиган лияш шоненам. Икана мыланем изи моклакам пөлекленыт. Шонымашем шукталтмылан пеш йывыртенам. Тудлан Буся лүмым пуэнам. Изиж годым модаш чот кумылан лийын. Кушмыж семын койшыжо вашталтеш. Кызыт утларак мала, кочкеш, яндар южыш лектеш. Бусям ниялткалаш йоратем. Тамлын пукшаш тыршем.

Анастасия ТЕРЕНТЬЕВА.

Морко, Коркатово.

Рекс

Мыйын уло Рекс пием, Модаш пырля йоратем. Тек пелен эре лиеш, Изи мотор йолташем.

Вика СВИСТУНОВА.

Морко, Коркатово.



Йүдым эскера

Мыйын уло пырысем, Тудым пеш чот йоратем. Чулым йолташем модеш, Корақ-влакым поктылеш. Йүдым йөрата лекташ, Яндар юж ден шўлалташ.

Юлиана КРЫЛОВА.

Йошкар-Ола,

21-ше номеран Семёновка школ.

Туныктышо – Е.А.Соколова.

Авторын сўретше.

Арчи – ушан пий

Мый Арчи (снимкыште) нерген палдарынем. Тудым ме приют гыч налынна. Мемнан дене нылымше ий ила. Суртнам орола, мыланем – сай йолташ. Арчи – моткоч ушан пий. Тудо йодмо почеш йолжым пуа, шинчеш, возеш. Чодырашке пырля коштына, модына. Мый шке пием йоратем да пырля лияш тыршем.

София ПЕТУХОВА.

Шернур, Шўдымарий.



Палаш онгай

Молан зебр корнан-корнан?

◆ Зебрын ошо-шеме тўсшө цеце шучко карме деч шылаш полша. Тыгай карме пурлеш гын, янлык малтыше чер дене эмганен кертеш. Корнан-корнан улмыжлан көра карме-шамыч тудым сайын огыт уж.

◆ Капысе температурым ик семынак кучаш ошо-шеме тўс полша. Ош тўс шеме дене танастарымаште эркынак ыра манын, шанчызе-влак шукертак иктешлымышым ыштеныт. Тыге зебр шокшо дене кучедалеш.

Изи мундыра

Малышка пырысыгинам моткоч йоратем. Тудо сур тўсан. Школ гыч толамат, порын вашлиеш. Жапем улмо годым пырля модына, уремышке лектына. Малаш возам – пеленем веранеш. Мыйже изи мундырамлан кузе йывырте!

Элеонора НИКИТИНА.

Морко, Купсола.

**2024 ийлан «Ямде лий» газет
редакций ден «Ший памаш» сылнымут фонд
йоча-влаклан «РВЕЗЕ ЙҮК» конкурсым увертарат.**

Конкурсын тўн шонимашыже:

шочмо йылме, сылнымут
полшымо дене самырык
авторын чон арулыкшым
аралаш;

шинчымашыжым кумдангдаш;

возымо усталыкшым
вияндаш йонным ышташ;

ончыкылык сылнымутчо,
журналист-влакым кушташ.



Тыгай премий-влак пуалтыт:



**Зинаида Яковлева
лўмеш — журналистикын
тўрлө жанрже дене
чолган возен шогышо
юнкорлан.**

**Зинаида Емельяновна
Яковлева** 1933-1935 ийлаште «Ямде лий»
газетын редакторжо лийын. Газетын
икымше номерже лекмаште чот тыршен.
1950-1952 ийлаште МАССР просвещения
министр лийын.

**Антонов Ивук лўмеш —
почеламутым эн сайын
возышо авторлан.**

Самырык поэт **Антонов Ивук**
(Антонов Иван Андреевич)
йоча газет дене пенгыде
кылым кучен. Икымше почела-
мутшо «Ямде лийыште» савыкталтын.
Н.К.Крупская лўмеш Марий кугыжаныш педа-
гогический институтышто тунеммыж годым
газет редакцийыште литератур пөлкан
пашажым виктарен.



**Валентин Исенеков лўмеш —
школлаесе юнкор, литературно-
творческий да сылнымут
кружоклан.**

Писатель да журналист **Валентин
Борисович Исенеков** 1967-1988
ийлаште «Ямде лий» газет редакци-
йын серыш-влак да тўшка паша пөл-
кажым вуйлатен. 1970-1980 ийлесе
юнкор-влакын эн кугу йолташышт да
сылнымут туныктышышт лийын.

**Шулдыр Васлий
лўмеш —
эн онгай мыскарам
возышо юнкорлан.**

Шулдыр Васлий
(Василий Васильевич
Крылов) 1991-1997
ийлаште «Ямде лий»
газетын тўн редак-
торжо лийын.



**Конкурс 2024 ий
декабрьыште иктешлалтеш.**

**Ик юнкор тўрлө танасыште
мастарлыкшым терген кертеш.**

**Конкурсыш
пурышо
паша-влакым
жюри аклаш
тўналеш.**

Адрес:

Йошкар-Ола, СССР Вооружённый
Вийын 70-ше идалыкше урем,
20-шо номеран пөрт.

ПОДПИСКЕ

«Ямде лий» газетлан кажне тылзын
15-ше числа марте почто отделенийыште, podpiska.pochta.ru
сайтыште але «Почта России» мобильный
приложенийыште возалташ лиеш.



**Алеко Юзыкayин лўмеш —
Марий Эл деч өрдыжтө марий-вла-
кын тўшкан илыме кундемласе
(Одо, Пошкырт, Татарстан, Виче
(Киров), Свердловск, Угарман,
Пермь) ойыртемалтше юнкор,
литературно-творческий да сыл-
нымут кружоклан але авторлан
(йочалан).**

Пошкырт кундем Краснокам
район Чормак ялын эргыже **Алеко Юзыкayин**
(Алексей Михайлович Юзыкayин) 1969-1986 да
2002-2003 ийлаште «Ямде лий» газетын тўн
редакторжо лийын.

Конкурсын
учредительже —
«Ший памаш» сылнымут
фонд (вуйлатыше — пи-
сатель Василий Краснов).

Кайыкым пукшена

Советский районусо Михайловка ялысе книгагудыш үдүр-рвезе-шамыч кажне гана куанен вашкат. Нуным книгагудо пашаен Светлана Вячеславовна Моторова йывыртен вашлиеш. Түрлө пайремым иквереш эртарат, книгаг лудыт, викториналаште уш-акылыштым тергат. Телым кайыкым пырля пукшат (снимкыште). Светлана Вячеславовна кайыкларан могай кочкышым пукшаш лийме нерген каласкален. Нунылан полшаш күлмө нерген ушештарен.

Э.СТЕПАНОВА.



Авторын фотожо.

Калык пале

- ◆ Мардеж пеш урмыжеш: йүштö поран толнеже.
- ◆ Пургыжтышо лум лийшашлан конга ок йүлө.
- ◆ Пырыс окна вүдым йүэш – леве поранлан.

Изи озавате

Олма запеканке

Күлеш: 1,5 стакан торык, 4 муно, 4 олма, 8 кугу совла мүй, 4 изи совла мак.

Торык ден муным пырля варыза. Тушко пүчкедыме олмам, мүйым, макым ешарыза. Вартышым 200 градус марте ырыктыме духовкыш 15 минутлан шындыза.



Фокус


Кузе тыге?

Күлеш: тыгыде окса, сорта, вүд, стакан, талинга. Оксам талингаш пыштен, вүдым темыза. Сортам вүдан талингаштак чүктыза. Стакан дене сортам леведса, вүд тушко погынаш тўналеш. Кузе тыге?

Электротулым аныклена




Окнаш кугу кушкылым ида шынде. Кечывалым шторым почса.



Электрочайникым газыш шындыме чайниклан вашталтыза.

Точко-влакым ушен, сүретым чиялтыза.



МАРИЙ ЭЛ РЕСПУБЛИКАСЫН ТУВЫРА. ПЕЧАТЬ ДА КАЛЫК-ВЛАКЫН ПАШАШ ШОТЫШТО МИНИСТЕРСТВО	
МАРИЙ КУЛКЫМЫЗ ДРОМЕ ТЕАТР	
МАРИЙСКИЙ НАЦИОНАЛЬНЫЙ ТЕАТР	
МАРИЙСКИЙ НАЦИОНАЛЬНЫЙ ТЕАТР	
2 кг 18:00	ОКСА ТУЛ /Влеск монет Ю. Байгузо, В. Пектеев
3 сб 16:00	СПАСИ КАМЕР-ЮНКЕРА ПУШКИНА М. Хайфиц
4 рш 16:00	УШ ЙОММЕШ ЙОРАТЫМАШ Комедий /Любовь до потери памяти В. Красногоров
7 ср 18:00	ОСКАР И РОЗОВАЯ ДАМА Э.Э. Шинтц
9 сб 18:00	УЖЫНДА? /Вызовали? Э.Хонин
10 ам 16:00	СОСНА ПОМИНКА /Поминки по смерти Т. Гордаль
15 ва 18:00	ЙОРАТЫМАШЫН АКШЕ Комедий /Цена любви В. Пектеев
16 сб 18:00	ОРЬЕН МЕЛНА /Сказочные блины А. Волков
18 рш 16:00	МУКШ ОТАР /Пасека С. Чочиев
21 ср 18:00	СПАСИ КАМЕР-ЮНКЕРА ПУШКИНА М. Хайфиц
23 кг 18:00	КЕНЕЖ ЙҮД /Летняя ночь Музыкальный комедий Т.А. Абдон
24 ам 18:00	НЫЛ КУВАЛАН ИК СҮАН Комедий /Выходные боблы изюм Ф. Бутиков
ДЛЯ ДЕТЕЙ И ИХ РОДИТЕЛЕЙ	
3 сб 11:00	ВОЖДЬ КРАСНОКОЖИХ Комедий О. Гевор
10 сб 11:00	КАША ИЗ ТОПОРА Сказка Г. Пальчинов
11 сб 11:00	ЗОЛУШКА Сказка Ш. Пьерро
17 сб 11:00	БОГАТЫРЬ ИЗ ТЕСТА Сказка Н. Кузнецов

Рекламе.

«Ямде лий» газет
Түн редактор
Л.Н.ГРИГОРЬЕВА.
Индекс: П4696.
Тираж 1550 экз.
Заказ
Формат – А-4-8.

УЧРЕДИТЕЛЬ-ВЛАК:
Марий Эл Республикысе Тўвыра,
печать да калык-влакын пашаш
шотышто министерстве,
Марий Эл Республикысе «Марий
Эл» савыктыш порт» КАУ.

Газетым Кыл, информационный техно-
логий да массовой коммуникаций сферым
эскериме шотышто федеральный службын
Юл кундем федеральный округысо управ-
ленийшытже регистрироватлыме.
Номер – ПИ № ТУ52-01404,
2023 ий 22 сентябрьште пуымо.

Печатьш пуымо жап – 14-00,
фактически – 13-00

Авторын да редакцийын шоныма-
шышт түрлө лийын кертыт. Серыш-
влак мөнгеш огыт колталт.
Ак – кутырен келшыме почеш.

Редакций да издатель: Марий Эл
Республикысе «Марий Эл»

увер агентстве» КАУ. Директор – Е.И.КУЗНЕЦОВ.
Редакцийын да издательнын адресше: 424006, Йошкар-Ола,
СССР Вооружённый Вийын 70-ше идалькысе урем,
20-шо порт.Тел. 8(8362) 45-22-82.

https://vk.com/yamde_lii
https://t.me/yamdelii
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.pf

Газетым редакцийште погымо да
верстатлыме, «Марий Эл»
Республикысе Правительствын типографийже» ООО-што
ямде оригинал-макет гыч савыктыме. Типографийын ад-
ресше: 424000, Йошкар-Ола, Комсомольский урем,112.




Аделина АНДРЕЕВА.
Йошкар-Ола.





Дарья ВИНОГРАДОВА.
Кужэнгер, Шўдымарий.



Полина ИВАНОВА.
Марий Турек посёлко.



Палемдыме ужашым эше кушто ужда?



Эрдене ава эргыжым школышко каяш кычкыра:

– Гена, кынел. Будильникет йынгырта.

Гена вес могырыш савырен возеш да ойла:

– Мый тудлан варарак йынгыртем манын каласе.

Шемемдыме клеткылаште мом возымо, палыза.


Мут-влакым марлашке кусарыза.

1. Небо. 2. Мама. 3. Братъ. 4. Кот.
5. Осина. 6. Солнце. 7. Озеро.
8. Забор. 9. Полынь. 10. Нос.

Аделина ПОЛУШИНА.
Советский, Орша.



Арверлам сўретыште кычалза.



Икгай вашмутан пазлым ик тўсыш чиялтыза.

Тагасымашын икымше кечынже ечызе-влак 13 километрым эртенят. Тидыже уло дистанцийын 26 процентше лиш. Ечызе-шамыч мыняр километрым эртышаш улыт?



Интернетсе сўрет-влакым кучылтмо.